



lit. 7. № 168  
O. 1901. 902.

NE



Brunet I, 611  
" IV, 1254


64

1 fold. plate  
30 engr. illus.

---

17 engr. plates  
2 engr. illus.










CONSPECTVS  
GAZOPHYLACII EBERMAYERIANI.







**GEMMARVM**  
**AFFABRE SCVLPTARVM**  
**THESAVRVS**

QVEM

SVIS SVMP TIBVS HAVD EXIGVIS  
NEC PARVO STUDIO

COLLEGIT

**IO. MART. AB EBERMAYER**  
NORIMBERGENSIS.

DIGESSIT ET RECENSUIT

**IO. IACOBVS BAIERVS**

PHILOS. ET MED. DOCTOR

HVIVSQUE IN ACAD. ALTORF. PROFESSOR

PRIMARIVS.

**A. R. S. clō Idccxx.** 1720

PROSTANT EXEMPLARIA NORIMBERGÆ  
IN AEDIBVS EBERMAYERIANIS.





Freiherrlich Moritz von Bethmann'sche  
Bibliothek

Ex libris  
Baron Martine





SERENISSIMO  
PRINCIPI AC DOMINO  
DOMINO  
**L V D O V I C O**  
**R V D O L P H O**  
BRVNSVICENSIVM  
ET  
LVNEBVRGENSIVM  
D V C I  
DOMINO MEO CLEMEN-  
TISSIMO  
*VITAM ET FELICITATEM!*





SERENISSIME  
PRINCEPS AC DOMINE,  
DOMINE CLEMENTISSIME,



A est SERENITATIS TVAE ben-  
gnitas, vt, licet excelso loco inter Impe-  
rii Germanici Proceres sis constitutus,  
licet Maximo CAESARI, aliisque  
Christiani Orbis REGIBVS potentissimis arcto pro-  
pin-



pinquitate & necessitudinis vinculo coniunctus, licet  
denique in rebus arduis & magnis iugiter versatus,  
demittere tamen TE subinde soleas ad bonarum libe-  
raliumque Artium curiosam contemplationem. Harum  
alumnos & magistros haud dedignaris in conspectum  
TVVM gratiosissimum admittere, studia ipsorum exqui-  
rere, probare, quin etiam generosa plane munificentia  
iuuare. Inde autem fit, vt optimus quisque, cui tam  
benigni mores TVI sunt perspecti, excogitare & of-  
ferre aliquid contendat, quò tantum Principem sibi  
Mæcenatem conciliare possit. Ego certe, seruorum  
Tuorum infimus, tametsi nullam fortassis, quæ TIBI  
placere queat, egregiam artem ipsemet exercere va-  
leam, pictoriæ tamen & sculpturæ admirator cultorque  
haud ignauus, exiguum hoc, qualiscunque mei Gem-  
marum artificiose sculptarum apparatus specimen TIBI  
dedicare tanto minus vereor, quanto magis ad hoc  
audendum me excitauit clementia TVA singularis,  
qua TE fauere isti studio meo coram non semel signi-  
ficasti. Neque etiam vel æquiores vel sapientiores  
huius operis iudicem atque Patronum me exoptare  
mihi posse arbitror, quam TE, DOMINE, qui  
talium in rerum exacta cognitione inter viuentes  
hodie Principes nemini es secundus. Accipe igitur  
ferena fronte, DVX SERENISSIME, opellam  
tenuem, in signum demissæ venerationis ad pedes  
TVOS depositam, porro autem ingenuas Artes



præpotenti auctoritate TVA protege, benignitate,  
& clementia proueche atque constanter foue. Cæterum  
ego, qui TVAM erga me summam gratiam nulla  
vnquam ratione mereri potero, assiduis precibus  
& votis, pro salute TVA, CELSISSIMAEQVE  
DOMVS TVAE perpetua incolumitate & gloria,  
DEO immortalī nuncupandis, quoad vixero, pie-  
tatem meam testabor,

SERENITATIS TVAE.

seruus subiectissimus

Io. Mart. ab Ebermayer.



LECTORI BENEVOLO

S. D.

IO. IACOBVS BAIERVS.



*Ametſi ex omnibus eruditæ antiquitatis, quæ ad noſtra tempora peruenerunt, artiſcioſis ſpeciminibus nihil non venerabile ac pretioſum exiſtinetur, aliqua tamen iſtarum rerum genera præ cæteris habere peculiareſ ſuos admiratores atque fautores, utique certum eſt. Quosdam enim vetera numiſmata in primis delectant; aliis antiquæ ſtatux & imagines, ex ære aut marmore effictæ, magis arrident, alios denique Gemmarum affabre ſculptarum aut cælatarum pulchritudo & ſplendor alliciunt. Nimirum trahit ſua quemque voluptas, neque ulli deeſt optionis ſux ratio ac fundamentum. Ita nummiſ antiquiſ publica, qua cuſi plerique ſunt, autoritas, indeque capienda hiſtoriæ & chronologiæ documenta pretium dignitatemque conſtituunt: Veteres autem marmoreas æneasue imagines & ſtatuas accurata cum ipſiſ rebus, quas repræſentant, conuenientia & naturalis proportio commendat: Gemmiſ vero, præter colorum elegantiam atque nitorem, durabilis illa durities inſignem gratiam ſeneratur. Et ſane, ad me quod attinet, ſicuti quemuiſ libenter patior abundare ſuo ſenſu, ita non diffiteor, quod, cum omniſ generiſ antiquitatum ingenioſiſ operibuiſ oblecter, GEMMARVM tamen artiſcioſe ſculptarum ſuauiſtate præ reliquiſ afficiar: Vnde hauſ difficulter impetrauit a me Vir Nobil. Dn. IO. MART. AB EBERMAYER, Ciuiſ Norimbergeniſ & mercator primi ordinis ſpectatiſſimuiſ, ut operam meam ipſi commodarem, in deſcribendo Gemmarum apparatu ſuo, qui talis proſecto eſt, qualem apud priuatoſ homineſ non temere quæſueriſ, nec facile inueneriſ. Siue enim numeri, ſiue pulchritudiniſ, formæ atque delectuſ habeatur ratio, pluſquam vulgaria*

*& ad*



## P R A E F A T I O.

& admiratione digna heic sunt omnia, ut asserere non ve-  
 rear, in compluribus elucere Praxiteliam manum atque  
 solertiam, & incomparabile artificium. Prælagit equidem  
 animus, non de fore, qui hasce Ebermayerianas delicias  
 nil nisi noua veterum sculpturarum imitamenta esse, &  
 propterea exiguam commendationem mereri arbitrentur.  
 Sciant autem isti, fallere opinionem suam, cum reuera  
 plures antiquæ inter eas gemmas existant, reliquæ vero,  
 quas pro recentioribus aut nuper effictis ipsimet ultro agno-  
 scimus ac venditamus, ita comparatæ sint, ut cum optimis  
 quibusque veteribus de artificii ac formæ præstantia con-  
 tendere queant: Neque enim ideo nostras illas, quoniam  
 nouæ, & ad imitationem vetustorum exemplarium sculptæ  
 sunt, aspernari magis conuenit, quam Cauinianos & Par-  
 melanos nummos, utpote quos hoc ipso potissimum nomine  
 magnifери constat, quod antiquitatis decus tam pulchre  
 mentiantur. Id saltem doleo, tantis Gemmarum nostra-  
 rum elegantius accurate exprimendis sæpius haud suffecisse  
 vel respondisse chalcographorum industriam; quemadmo-  
 dum non paucae imagines in æs incisæ iam fuerunt, ante-  
 quam iis interpretandis animum calamumque impendere  
 potuerim. Cæterum de ipsa interpretatione mea libere hoc  
 profiteor, eam esse tumultuariam, inter multas scilicet  
 occupationes variasque calamitates domesticas peractam,  
 hinc breuem & inconditam passim; quamuis ne sic qui-  
 dem me prorsus pœniteat laboris adhibiti, ut potius con-  
 fidam, nonnulla deprehensurum Lectorem beneuolum,  
 quæ placere, & ad illustrationem harmonicam huius ar-  
 gumenti antiquitatum facere possint. Quare, nisi hæc spes  
 me frustrabitur, operam dabo, ut GAZOPHYLAGII  
 EBERMAYERIANI altera etiam series, longe plura  
 diuersi generis Illustr. & Clar. hominum capita, nitidif-  
 sime gemmis insculpta complectens, meliori ordine & accu-  
 ratione disposita, in conspectum usumque publicum  
 propediem edatur. Vale!

BRE-



TAB. I.









BREVIS EXPLICATIO  
G E M M A R V M

TAB. I

DELINEATARVM.



I.

ETERNITAS: Figura muliebris sedens, alterum pedem innixa scabello, manu sinistra sceptrum, dextra globum sustinens, cui avis insidet, notissimum æternitatis symbolum, Phœnix nempe, non Pavo, sicuti *Laur. Pignorius* in expos. mensæ Iſiacæ p. m. 24. perperam iudicauit de consimili figura, nummo Faustinae expressa. Cæterum ad nostram ea proxime accedit, quam *Ioach. de Sandrart* in Iconolog. Deorum Tab. I. exhibuit.

II. AETERNITATIS imago alia, capite nudo, stans, itidem insidentem orbi Phœnicem dextra tenens, sinistra vestem colligans; qualis etiam in nummo quodam Faustinae spectatur.

III. PROVIDENTIA DEORVM, matronæ habitu representata, cuius ante pedes orbis iacet, in quem ipsa sceptrum manu dextra inclinat, sinistra vero hastam tenet: Similem huic cernere licet in nummo Caracallæ.

IV. IVPITER, erecto corpore, cum hasta & fulmine complicato, qualis a *Leon. Augustino* Parte I. 106. sardio pariter insculptus, tum & passim in numismatibus occurrit, nosque prorsus similem habemus in amethysto. Videtur autem hic speciatim designari IVPITER CVSTOS, cuiusmodi est a *Petro Bellerio* P. II. num. I. in lucerna antiqua notatus.

V. IVNO, & soror & coniux Iouis, capite velato, altera manu lanceam, altera tenens pateram; adstat ipsi pavo, utpote sacrata & propria Deæ volucris. Consimilem IVNONIS REGINAE formam ostendunt numismata Faustinae, Manliæ Scantillæ, Iuliae Mæsæ, &c.



VI. APOLLO, cum Lyra ad solum demissa, Lauri ramulos dextra porrigens, quorum significationem *Laur. Begerus* Thef. Brand. Part. I. pag. 58. euoluit. Nostratis gemmæ figuram ferme refert apud *Patinum* p. m. 340. nummus M. Aur. Claudii Quintilli, cum inscr. APOLLINIS CONSERVATORIS.

VII. MINERVA siue PALLAS galeata, hastam præpilatam dextra, clypeum sinistra gerens, frequenti admodum inter antiquitates simulacro, quod idem & in alia inter nostras gemmas, achate nempe nigra, paulo grandius exprimitur.

VIII. MERCVRIVS, cum caduceo, pacis & felicitatis signo, & crumena, cuius seorsim notionem *Begerus* l. c. Part. III. p. 139. scite explicat. Cæterum eadem propemodum imago itidem sardæ insculpta extat apud *L. Augustinum* P. I. 199. Neque multum differt ille *Mercurius*, quem Marcianopolitæ in nummo Macrini & Diadumeniani statuerunt.

IX. MERCVRIVS, arbori assidens, pede dextro insistens scabello, manuque sinistra caduceum attollens.

X. MARS hastatus & galeam contemplans, sicuti existimat *Iac. Gronovius* in *Gorl.* Part. I. 68. *L. Augustinus* vero I. 164. eadem plane figura militem cum præmio, aut custodem armorum indicari suspicatur.

XI. MARS, a priori parum discrepans, nisi quod ad eius pedes clypeus & thorax militaris positi appareant: conf. *Gorlæi* P. I. 160. & II. 95.

XII. BELLONA, galeata & loricata, manu dextra telum vibrans, sinistra clypeum obtendens. Aliam eiusdem figuræ, sed aliquando minoris moduli habemus insculptam sardio: conf. etiam *L. Augustin.* I. 131.

XIII. VICTORIA, qualis communiter fingitur, alata, lauream porrigens. Eiusdem figuram locupletiolem, cum palma scilicet, globo insistentem videre licet inter lucernas



cernas a *Bellorio* descriptas P. III. 3. & inter gemmas Thef. Brandenb. p. 63. Cum nostra autem plane conuenit, quæ ibidem p. 686. in nummo Pescennii nigri conspicitur.

XIV. VENVS VICTRIX, pilæ, an aræ? innixa, posito in solum clypeo hastam gerens, galeamque sustinens: similem omnino producit *L. August.* I. 117.

XV. TRES GRATIAE, inuicem amplexæ; quarum tamen numero & forma, totidem potius Deas, Palladem videlicet, Iunonem ac Venerem indicari, caput alterius galeatum, & in manu alterius apparens pomum haud obscure prodit, confirmante idem & rationem afferente *L. Augusto* I. 144.

XVI. BACCHVM ipsum denotare hanc sculpturam, serio quidem perhibuit ille, a quo gemmam accepimus; quare etiam hoc loco inter imagines Deorum collocata fuit. Verosimilius tamen apparet, quendam *Bacchi affeclam*, & speciatim *Tityrum* aliquem significari, seu præter communem Bacchantibus pellem, tibiæ & saltationis gestus innuere videntur; ad quod statuendum *Clar. Begeri* P. III. p. 255. illustratio veteris monimenti, consimilem figuram sistentis, facile nos permouet.

XVII. SATVRNVS, siue TEMPVS, afficta ipsi antiqutis, vulgo nota figura viri senis, incurui ac fessi, alis tamen præditi. Peculiare heic est, nec vbiuis obuium, quod bidente Saturnus innitatur: Pedibus autem vinctum quare commemorent vetustæ fabulæ, post alios *L. Augustinus* I. 105. edocet. Nos insuper aliam, sed maiusculam, eiusdem imaginis sculptæ Sardam possidemus.

XVIII. IANVS, bifrons, cum hasta siue baculo & clauæ, quemadmodum ab *Ouidio* describitur:

*Ille tenens dextra baculum, clauemque sinistra:*  
cuius conformem in gemma nostra statum ipsius ættypi aspectus contrarius luculenter ostendit.

XIX. VVLKANVS, galeam forcipe apprehensam malleo ad incudem tractans, quasi armis Achilli & Aeneæ

cupandis occupatus, sicut ex *Homero* & *Virgilio* infert *Augustinus* I. 118. ad quam imaginem quadantenus accedit ea, quæ apud *Gorlæum* extat P. II. 592.

XX. CERES, hastata, papauer cum spicis altera manu complectens; cuius vniuersam mythologiam atque significationem curiose rimatus nuper est Vir celeberrimus *D. Mich. Frid. Lochnerus* in eruditissima papaueris per omnem antiquitatem disquisitione.

XXI. DIANA LVCIFERA, facem quippe ardentem vtraque manu sustinens; qualem inprimis numismata *Crispinæ* & *Saloninæ* Augg. referunt. Explicationem eorum vid. apud *Begerum* P. II. 683. & III. 160.

XXII. DIANA VENATRIX, nuda, ceruum & arcum tenens, pro symbolo venationis, cuiusmodi etiam ab *Augustino* I. 120. proponitur. Aliam atque aliam ipsius formam passim licet intueri, præsertim in nummis *Saloninæ* penes *Patinum* p. m. 330. & 31.

XXIII. DIANA EPHESIA, *πολύμαστος* illa, siue pluribus mammis prædita, vbertatem ac benignitatem Naturæ significans, apparatu quidem hic quam alibi simpliciore, candelabris tamen, ad vtrumque latus positis, fulta utraque manu; tametsi quibusdam non candelabra, sed verua, aut nescio quid aliud esse videantur. Plenior *Dianæ Ephesiæ* explanationem dedisse constat *Claud. Menetreium*, quem ista de re consulere iuuabit, magisque adiectam illi Epistolam *Lucæ Holstenii*, de fulcris *Dianæ Ephesiæ* simulacro appositis.

XXIV. PAN, cornutus & capripes, tibiam inflans; qualis etiam a *Gorlæo* I. 55. depingitur.

XXV. FAVNVS, ab humero pendente pelle super dorsum, manu sinistra baculum pastoricum siue pedum gerens, dextram vero exaltans, habitu gestientis; quasi vellet verbis accommodare saltationem, ita censente.

*Augustino* I. 136. Nobis eadem, sed minor est, præter illam, in amethyso.



TAB. II.







## TAB. II.

XXVI. SILENVS, ea propemodum forma, qualem *Lucianus* in *Confil. Deorum* descripsit; Senem nempe caluum & simum, brevis staturæ, corpore obeso ac ventricoso, auribus magnis & arrectis, tremulum, baculo innitentem, &c. Tametsi enim caluities & aurium ista conditio haud æque in nostro appareant, reliqua tamen sic satis bene congruunt: Præterea thyrsus, adeo conspicuus, omnem de Sileno dubitandi rationem præripit, ut nihil opus sit ipsum asserere contra opinionem *Chiffletii*, qui non Silenum sed Socratem consimili sculptura exprimi contendit. conf. *Gorlæum* P. II. 314. & *Begeri* contempl. Gemm. quarund. *Dactyloth. Gorl.* p. 10. Nostro autem Sileno plurimum respondet ille apud *Augustinum* l. 133.

XXVII. ZEPHYRVS, non quidem, sicut a *Lucretio* fingitur iste inter ventos prænuncius Veneris, pennatus, sed velo saltem siue fascia inflata instructus, corpore iuuenili; qualem in marmoribus antiquis occurrere & motum auræ ventique flatum significare perhibet *Augustinus* l. 149.

XXVIII. HORAE, vnica persona, muliebri vestitu & habitu repræsentatæ. Ipsa tribus sub stellis velum expandit, pedibus quasi fugacibus inconstantiam & velocitatem temporis designans. Cum nostra gemma prorsus conuenit, quæ ab *Augustino* memoratur l. 148. Cæterum magis nudas per insomnia apparere olim consueuisse horas, ex *Artemidoro* Lib. II. cap. 49. intelligere licet.

XXIX. NEPTVNVS sinistro pede orbi insistens, manique læua tridentem tenens, dextra vero *αὐγοστόλιον*, seu aplustre dictum quondam naus ornamentum; cuius rationem explicat *Schefferus* *Lib. de milit. nau. veterum* p. 51. & 156. Eadem ferme Neptuni facies exprimitur nummis Augusti & Vespasiani apud *Guil. du Choul* de Relig. vet. Rom. edit. Gall. pag. 97.

XXX. NEPTVNVS sedens, pede sinistro itidem orbi, dextraque manu tridente innitens, sinistra vero piscem prætendens, quem plerique Delphinum esse iudicant, utpote Neptuno gratissimum: *Begerus* autem *Thef.*

Brand. III. pag. 73. Thynnum suspicatur, coniectura licet parum probabili, quandoquidem figura illius piscis, cum in gemma nostra, tum in M. Agrippæ & vrbis Carteiæ nummis, Delphino quam Thynno longe est convenientior.

XXXI. BONVS GENIVS, suavi adolescentis forma, coronatus plantani foliis, manu dextra sustinens cornu copiæ, sinistram vacuam attollens, admonentis instar, qualem etiam depinxit *Ioach. de Sandrart* l. c. Tab. R.

XXXII. PSYCHE, alis papilionis cœlestem naturam & immortalitatem mentis humanæ significans: Ipsam vero, in corporis carcere veluti captiuam, manus ad tergum reiectæ, flexaque in terram genua ostendunt. Vniuersam de Psyche fabulam ex *Apuleio* recensuit *Fulgentius*, mytholog. Lib. III. cap. 6. & mysticum eius sensum scite explanauit. Nostræ autem gemmæ perquam similis est ea, quam *Augustinus* I. 150. exhibet.

XXXIII. HERCVLES, victor, cum claua nempe & exuuiis leoninis, altera manu lauri ramum ostentans; qualis præsertim in nummis Commodi, Herculis ipsius ad insaniam & risum vsque æmuli, conspicitur.

XXXIV. HERCVLES, vulgatissimo simulacro, cum leonina pelle, & claua ad terram demissa innitens.

XXXV. HERCVLES, eidem insidens pelli, capite in brachium incumbens, tanquam labore fessus, aut certe otiosus, posita ante se claua, malisque (vt videtur) aureis ad pedes collocatis: Aliam quadantenus figuram nummus Maximiani refert, HERCVLI VICTORI inscriptus, quem vid. in Thef. Brand. III. p. 170.

XXXVI. HERCVLES, Cerberum tricipitem domans ac vinciens, quem supremum ipsi laborem adscribunt Poetæ. Arbor autem, cui adstat Hercules, aliam eiusdem ærumnam, coniiciente haud perperam *Augustino* II. 5. designat, poma scilicet Hesperidum aurea, custode interempto dracone, reportata. Nullum arboris vestigium apparet in gemma Thef. Brandenb. III. p. 192. exposita, quæ cæteroquin cum nostra plurimum congruit. De Cerbero ibidem prolixè disputat *Begerus*.

XXXVII.



XXXVII. IOLE, nisi potius OMPHALE, amasia Herculis, cuius ea clauam & leoninum integumentum iocose ablatum gestat. Iolem certe *Augustinus* I. 112. & 113. binis non multum differentibus a nostra gemmis representari arbitratur, *Begero* Thes. Palatin. p. 64. iam subdubitante, qui deinceps in relat. de tribus primis Volum. Thesaur. antiquit. Græc. pag. 17. prorsus non aliam quam *Omphalem* referri contendit, accuratiore Carminis *Ouidiani* consideratione inductus.

XXXVIII. AESCVLAPIVS, medicorum istud Numen, habitu peruulgato viri senis, palliati, baculo innixi, serpente circumuoluto; sicuti frequentissime in gemmis, marmoribus, nummisque antiquis comparet. Infrequentius autem est, quod is manu sinistra tenet; vtrum volumen, an quid aliud sit? nobis sagaciores decernant.

XXXIX. TELESOPHORVS, Aesculapii comes, & ipse quondam alio EVAMERIONIS nomine, pro Deo valetudinis religiose cultus, a Pergamenis præsertim, qui oraculo edocti, Telesphorum vocare didicerunt, formamque ipsius in nummo Hadriani expressam dederunt; cuius accuratiorem, nostræque gemmæ propius accedentem imaginem sistit Thes. Brandenb. III. pag. 660. Inductus autem veste conspicitur Telesphorus a capite ad pedes reuoluta, qualem *Martialis*, obseruante *Patino* l.c. pag. 160. Lingonicum Bardocucullum appellauit. Plura de eodem commentatus est *Gisb. Cuperus* in Apotheosi Homeri pag. 142.

XL. HYGEIA, Aesculapii filia, nec solum Dea salutis, sed ipsa SALVS, nominis indicio, passim occurrens matronali habitu, serpentem dextra, pateram sinistra tenens.

XLI. HYGEIA, vix quicquam a priori differens, nisi quod, absente vipera, solum sinistra manu protendat vasculum salutiferum.

XLII. & XLIII. FORTVNA, exiguo formæ & apparatus inter se discrimine: gestat enim vtræque cornu copiarum & gubernaculum, quod altera quidem simplici manubrio apprehensum, altera ansæ aut funiculo transuersim alligatum

tum tenet; eodem fere modo, quo subinde in nummis & gemmis, tum præcipue apud *Gorlaum* II. 4. & 18. deprehenditur.

XLIV. FORTVNA CONSERVATRIX, per eminentem e manu dextra serpentem, haud obscure significata.

XLV. CONCORDIA AETERNA, si credere fas est *Ioach. a Sandrart*, qui l. c. Tab. F. imaginem nostræ gemmæ persimilem, cum inscriptione ista delineauit. Sed magis videtur PIETATIS esse symbolum: Concordia enim (quantum nobis constat) nusquam hac effigie, sed coniunctis dextris, aut alia facie exprimitur. Pietatem vero sub stolata mulieris persona, hastam gerente, manuque altera infantem, (extensis veluti ad matrem brachiis) sustinente, notat nummus *Plautillæ*, in *Thef. Brandenb.* P. II. p. 704.

XLVI. PVDICITIA, matronæ habitu, velum ori obducentis: Hanc gemma nostra exhibet stantem, quam frequentius sedentem reperire licet in nummis, præsertim *Otacillæ Seueræ*, *Etruscillæ* & *Hostiliani*, quos vide in *Thef. Brandenb.* II. p. 731. 33. 35. conf. si placet, *Illustr. D. Wedelii* Decad. V. Exercit. IX. de nummis capite velato.

XLVII. SPES, muliebri pariter formâ, spicas dextra manu versus terram demittens, læua autem trifoliatum quidpiam attollens: Hoc, quicquid tandem designet, vix ausim decernere, cum non solum *Augustinus* I. 121. sculpturam nostræ parum dissimilem proponens, sed & *Patinus*, *Begerus* alique nummorum veterum interpretes, quos quidem hactenus euoluere licuit, idem toties oblatum Spei signum pede, quod dicitur, sicco prætereant. Liliū esse suspicabar, & mox in hac opinione me confirmavit celeberr. Viri *D. B. G. Struuii* assertio, quod Liliū sit perpetuum spei symbolum. Autoritatem eo minus desore arbitror, quo minus obscura subest significationis ratio.

XLVIII. HARPOCRATES, ab Aegyptiis quondam habitus silentii Deus, Persicæ (veluti propriæ sibi arboris) folia, quin & fructum in capite, cornu autem copiæ manu sinistra gerens, dextræque digitum indicem labris admouens, tanquam impositurus silentium. Complures alias ipsius statuas atque figuras, ex antiquitatis quibuscunque monumentis studiose collegit sagaciterque illustrauit, libro singulari Vir doctiss. *Gisbertus Cupe- nus*, quem propterea consuluisse L. B. sufficiet.

XLIX. SACRIFICANS, strictum quasi manu cultrum tenens, adstante capro immolando; nititur pede sinistro capite arietis: Hinc non inepte ruralis cuiusdam Dei, siue Bacchi siue Mercurii, sacrificium indicari conicit *Augustinus* I. 139. quoniam ipsis, pro custodia & incolumitate gregum, istæ pecorum species in victimam olim offerri consueuerunt.

L. SACRIFICIUM SALVTIS, quod scæmina peragit prope nuda, exporrecto super aram, cui arietis caput impositum est, vasculo, aut patera. Assidet Vir, prono ad terram corpore, serpentem, utpote salutis symbolum admouens supposito vasculo. Consimiles sacrificii huius imagines vide sis in *Gorlai* Parte I. 152. & II. 492. item in *Thef. Brandenb.* I. p. 69 inprimis vero *Augustin.* I. 140.

TAB. III.



TAB. III.







## TAB. III.

LI. SACRIFICIVM SALVTIS, quod facit senex aræ aduolutus, serpentis Numen, suffimento quasi placandum, admouens accenso foco, altera vero manu vasculum vini aut alius liquoris tenens. Eandem figuram nos amplius insculptam Iaspidi habemus, vtique conformem isti sardio *Augustini* I. 138.

LII. SACRIFICIVM SALVTIS aliud hanc gemmam designare, persuasit ille, a quo accepimus, quapropter etiam hunc in Tabula occupauit locum: iam vero paulo accuratius considerata, ipsam HYGEIAM aræ adstantem referre videtur, quod quidem de consimili typo in *Gorlæi* Dactylioth. I. 121. libere affirmat *Gronouius*; tametsi non penitus constet globi aræ impositi ratio, nisi forte orbis terrarum salutem tota figura significat.

LIII. SACERDOS BACCHI, cum cantharo & thyrsos, palla indutus; vnde quendam e Silenis chlamydati, aut ipsum BACCHVM BASSAREVM esse suspicatur *L. Augustinus* I. 132. adstipulante *Begero* Thesaur. Palatin. p. 32. quos eam ob rem attentius contulisse haud pœnitebit.

LIV. PHILOSOPHVS ignotus, cathedræ, an exedræ insidens, & brachii manusque gestu, acri se disceptatione occupatum declarans: cumque medio corpore nudus appareat, non inepte hinc colligit *Augustinus* I. 153. ipsum in Gymnasio aut in thermis consedissee. Nos eandem Philosophi faciem in duabus aliis gemmis diuersæ magnitudinis ostendere possumus.

LV. DEMOCRITVS Abderita, Philosophus, decrepiti senis vultu, capite prono, barba proluxa, scipione nitens, euidentiore senectutis extremæ indicio: obiit enim, nouem supra centum annos natus.

LVI. HERACLITVS, pariter Philosophus, sed decantata consuetudine humanarum rerum miseras plorandi, a Democrito, eandem ob causam sæpius ridente, fatis quoque vulgo distinctus, nostræ etiam gemmæ testimonio haud obscuro.

LVII. DEMOGORGON, dubia omnino tam nominis quam imaginis significatione: Vtrum enim sit fabulosum istud æternitatis symbolum, quale *Ioach. de Sandrart* l. c. pag. II. & seq. præeunte *Bocatio* effinxit? an DEMIVRGVS, *Platonis* Deus omnium summus? an Numen aliquod Inferorum maxime horrendum, sicuti e *Statio* & *Lucano* quidam colligunt? an denique Magum (narrant *Stephano* in *Diction. Historico*) designet Demogorgona, larvarum censorem grauissimum, æternis forte, damnatum & obuolutum nebulis? definiendum aliis relinquimus.

LVIII. LAOCOON, Apollinis Thymbræi Sacerdos, carminibus Poetarum infamatus, quod commisso piaculo, concitata in se Deorum indignatione, a serpentibus vastæ magnitudinis, ipse cum suis filiis interemptus fuerit. Statuam eius, trium maximorum artificum opus, quod omnibus & picturæ & statuariæ præferendum iudicauit *Plinius* xxxvi. §. monstrant hodieque horti Vatican. Cæterum illius egypto, quod diuersi antiquitatum scriptores exhibent, gemma nostra haud æque respondet.

LIX. ACHILLAS, Aegyptius, qui Pompeii magni, abs se & sociis perfide trucidati, caput in lance spectandum offert, quemadmodum idem sistitur ab *Augustino* I. 169. & in alio, qui nobis est, maiusculo achate nigro comparet. Historiam facinoris illius digna oratione consignarunt *Lucanus* & *Plutarchus*.

LX. AENEAS patria profugus, nocturno itinere, luna indice, ANCHISEM portans, & manu ASCANIVM ducens, prorsus eo habitu, quo extat apud *Augustinum* I. 151. qui probe animaduertit, vas ab Anchise, sacerdotis instar amictu & velato, gestatum, inclusos forsan prodere Deos Penates. Nihil horum conspicitur in figura veteris lucernæ, cæteroquin pulcherrima, quam *Bellorinus* Part. III. 10. exposuit.

LXI. ALEXANDER MAGNVS, vestitu militari & paludatus, dextra manu sceptrum protendens, sinistra innixus hastæ: Similem habet *Augustinus* I. 155.

LXII.



LXII. ROMÆ TYPVS, persona sagata, galeata, hastata, victoriolam manu protensa sustinens, quæ citato quasi cursu coronam illi offert. Non multum discrepat figura Iaspidis apud *Göræum* I. 8. vbi quidem *Gronovius* MARTEM potius VICTOREM designari existimat, nulla necessitate; quoniam idem typus in diuersis numismatibus antiquis occurrit, cum inscriptione, aut simplici, ROMÆ, aut RENASCENTIS epitheto; quamvis nec rarius existat sedens, Mineræ habitu, elogio addito ROMÆ VICTRICIS, AETERNÆ, &c.

LXIII. MUTIVS SCAEVOLA, propter audaciam in asserenda libertate Romana, aduersus Porſenam Regem, celebris, dextram, qua pro Rege satellitem errans interfecerat, ipse vna cum gladio indignabundus flammæ intrudens. Nobis aliæ tres adhuc eiusdem faciei sunt gemmæ, omnes ad illam *Augustini* I. 156. accedentes proximius quam ad Sirdium *Theſ. Palatin.* pag. 72. in quo galeatus, læuaque manu clypeum tenens apparet Mutius.

LXIV. CINCINNATVS, ab intortis in cincinnos capillis ita dictus, homo plebeius, at virtutis merito euocatus ab aratro ad Dictaturam Romanam, cui se accingere heic videtur, arma fumendo & caligas induendo.

LXV. BRITANNICVS, Claudii Cæſaris ex Meſſalina filius, hic prætextatus, volumen dextra manû tenens.

LXVI. GLADIATOR RVDIARIVS: Erat autem rudis armorum species, qualis e ligno dabatur gladiatoribus emeritis, & ab arena liberatis; quasi non amplius obligati essent ad ferrum. Ita *Augustinus* I. 159.

LXVII. MILES, ingeniculatus, posito ante se clypeo, defensionis causa.

LXVIII. MILES SIGNIFER, tanquam velit ipsum modo signum, ima parte hastilis acuminata, humi figere.

LXIX. MILES, posito ad terram clypeo, læua manu hastam, dextra (quantum ego perspicio) fundam gerens.

LXX. MILES CVM PRAEMIO, nisi potius ARMORVM CVSTOS, sicut *Augustinus* I. 164. iudicat, & supra iam ad Tab. I. fig. 10. notatum fuit. Hastam enim, in præmium olim datam, sine ferro & puram fuisse constat: Galeam vero inter præmia numeratam, apud neminem veterum autorum deprehendere hætenus potui.

LXXI. NAMPHEROS, nescio quis, Romanus fortasse Mirmillo quidam, aut in sacris certaminibus victor, ad exemplum illius apud *Augustinum* I. 166. sculptus, palmam prælongam & amplam attollens; in victoriæ signum, altera manu galeam, detractam capite, imponens clypeo.

LXXII. PVER IOCANS, siue ludens cum trocho, aut circulo, quem proiicere videtur, puerili exercitatione.

LXXIII. MESSOR, luculento falcis & spicarum indicio; vt vix intelligam quid *Gronouium* in explicat. *Da&ylioth. Gorl.* I. 49. permouerit, ad Vertumnium coniectura quadam substituendum.

LXXIV. PASTOR, nudus, qualis etiam extat apud *Gorlæum* I. 74. cum pedo & patera, tanquam sacrificaturus.

LXXV. LIBERTA, iam iam stolata & honestius vestita, virgam gerens manu dextra, pileolum sinistra, utpote manumissionis ipsiusque Deæ Libertatis antiqua symbola; quibus accedit vas cum palma, quæ vtraque Libertis pro præmio dari in ludis solebant, docente curiosius *Augustino* I. 124. conf. eandem in rem *Iac. Ræuard.* Lib. IV. variar. cap. 9.

*Quæ tribus hisce prioribus Tabulis expositæ sunt GEMMAE, ad vnâ quasi omnes, Deorum hominumque fabulas & historias humana quadam sub specie repræsentant. Sequuntur nunc aliæ, eiusdem fere significationis quidem, sed hieroglyphico magis animantium brutorum, tum & rerum quarundam inanimatarum sub schemate.*



Ameth

Sarē

Achat

Sarpis

Sarē Alb

1.

2.

3.

4.

5.



Sarē

Onjoh

Onjix

Sarē

Sarē

6.

7.

8.

9.

10.



Chalcedon

Onjoh

Ameth

Sarē Alb

Sarē Alb


11.

12.

13.

14.

15.



Sarē Alb

Ameth

Ameth

Sarē Alb

Sarē Alb

16.

17.

18.

19.

20.



Sarē

Sarē Alb

Ameth

Ameth

Sarē

21.

22.

23.

24.

25.







## TAB. IIII.

1. FORMICA, parum quidem formosa, ex pedum tamen numero & capitis figura quodammodo dignoscenda: neque vero accuratius insculptam iaspidi sistit *Guil. du Choul* edit. Gall. pag. 66. singulari licet antiquitatis & raritatis commendatione, nec minus probabili coniectura, quod PROVIDENTIAE referat symbolum, indicibus præsertim spicis frumenti, ore gestatis, veluti ad subleuandam instantem indigentiam comportandis; quemadmodum iam pridem inter hieroglyphica numeratam isto nomine formicam asseruit *Io. Pierius Valer.* Lib. VIII. cap. i.

2. CANOPVS, idolum ab Aegyptio Sacerdote in ludibrium Chaldaeorum quondam effictum, ad ignem extinguendum, quem hi, pro Numine omnium potentissimo, superstitiosa iactatione circumferebant. Erat autem Canopus, *Ruffino hist. Eccles. Lib. II. cap. 26.* testante, simulacrum exiguum, attracto collo, ventre tumido in modum hydriæ, cum dorso æqualiter tereti &c. quæ verba ideo saltem adducere placuit, ut ipsorum appositus ad gemmam nostram sensus patesceret. Cæterum quanto frequentius Canopi imago in gemmis, nummis & statuís occurrit, tanto facilius de eodem plura narrare superfedeo. Consultat, cui volupe est, *Kircheri Oedipum Aegypt. Tom. I. pag. 207. & seq. nec non Tom. III. pag. 436. seq.*

3. CANOPVS, grypho impositus, anteriore pede rotam mouens. Totius hieroglyphici huius interpretem, fatis ingeniosum egit *L. Augustinus* I. 205.

4. ABRAXAS, impietatis & hæreseos Basilidianæ monstrosum figmentum, capite gallinaceo, corpore loricato, manibusque humanis, altera corollam, altera cassidem protendens, pedibus in serpentes desinentibus. Huic simillimum *Gorlaeus* exhibet I. 183. ORNITHOCEPHALI ABRAXAE appposito nomine. Complures alias affines figuras, cum alibi, tum in *Io. Chifletii Abraxa Proteo* cernere licet.

5. CHIMAERA hæc est, si quidem *Augustino* I. 203. credimus, tametsi ea, secundum fabulam antiquam, ex

D

capite

capite & pectore leonino, ventre caprino & cauda draconis compositum portentum referre debeat: Sed in nostrate nec leonini nec serpentini quicquam apparet. Quare vel AMVLETI vel ABRAXAE quoddam terribile specimen esse videtur, cui non admodum dissimilia extant apud *Gorlaum* II. 316. & 17.

6. HARPYIA, quam male expressit Chalcographus, nocturnæ omnino forma & rostro, cum tamen ipsa gemma humanam faciem in corpore rapacis cætera volucris clarissime prodat; qualem & *Virgilius* Aen. III. describit, in quem locum nonnulla commentatus est perdocte *Bege-rus* Thesaur. Brandenb. III. p. 371.

7. FORMICA, pone myrmeciam sub arbore constructam. Hæc figura, cum proxime post primam huius Tabulæ collocari debuisset, incuria sculptoris inepte huc est reposita: Declarat autem sine dubio iterum aut Providentiæ, aut alacritatis & solertiæ in re familiari vulgare symbolum.

8. MONSTRUM AEGYPTIVM, hieroglyphicum, composita veluti ex tauro & leone forma, cuius significationem mysticam eruere ac reuclare sategit *Augustinus* I. 208.

9. SERPENS aut DRACO, pariter Aegypt, hieroglyphicum, Loti fortasse florem, Isidi sacrum, capite gestans, quemadmodum figuram consimilem in nummo *Faustinae* interpretatur *Patinus* p. m. 202.

10. SERPENS, itidem flore ornatus in capite, parum a priore diuersus, nisi quod paulo sit gracilior & longiorem habeat intortam magis caudam. Talis fere in nummo quodam Antonini, apud eundem *Patinum* p. 143. spectatur.

11. SERPENTINVM NVMEN, capite radiato, diuinitatis argumento. Ad Abraxam equidem id trahere *Chiffletius* l. c. voluit, contradicente tamen *Gronouio* in explicat. *Gorlaei* I. 32. ideo quod nummi, ipsius Abraxæ nefario inuento antiquiores extant, ab Iopolitis & Dionysopolitis cusi, eadem serpentis imagine insigniti.

12. TRIPVS APOLLINIS, circumuoluto & eminente super illum serpente; qualis etiam a *Patino* p. 196. propo-



proponitur in numismate M. Aurelii a Calchedoniis percusso, nec non in alio Familiæ Sempronix nummo, *The-saur. Brandenb.* II. p. 583.

13. TRIPVS APOLLINIS, cum insignibus eiusdem aliis, insidente videlicet CORVO, apposita ad vnum latus CITHARA, ad alterum LAVRI RAMO; vt videatur esse quædam APOLLINIS CONSECRATIO. Similem apparatus repræsentat laspis antiquus apud *Guil. du Choul* l. c. pag. 197.

14. CITHARA APOLLINIS, aut LYRA, singulari quidem ornatu, & rarius occurrente structura, satis tamen congruente ad Numinis illius historiam; quippe cui & *Delphinos*, vtrumque latus citharæ cingentes, & *Taurum*, qui basin constituit, sacrata, diuersam ob causam fuisse, animalia, priscæ docent fabulæ, quarum mysteria *Augustinus* l. 213. dilucidauit.

15. SISTRVM, Isis in sacris apud Aegyptios vsitatum quondam instrumentum, sonorum & musicum, ex ære fabricatum, cuius specimina luculenta hodieque supersunt in Italia, quorum imagines exhibent *Mich. Ang. Causeus Tab. XV. de Insignibus Pontif. Max. & Laur. Pignorius* l. c. edit. nov. pag. 67. a quibus vix quicquam differt, quod Cimeliarchio Berolinensi proprium delineavit atque descripsit *Begerus* Part. III. pag. 399. Singulorum illorum Sistrorum vertici felis insidet, cuius loco in nostra gemma comparet quidpiam aliud, quod *Loti florem* esse, *Augustino* l. 214. asserenti facile credimus.

16. PONTIFICVM ET SACERDOTVM ROMAN. INSIGNIA, paganæ quondam religionis, pleraque tamen male per chalcographum expressa, cum longe accuratiores figuræ extent in ipsa gemma. Debet autem istud in latere dextro positum, monstrose extensum & constriktum schema, designare APICEM, pilei genus; quod vero eminet in medio, SECVRIM fortasse, aut aliud instrumentum, ad victimas percutiendas vsitatum; huic adstans vasculum refert SIM-PVLVM aut SIMPVVIVM, pro vino in sacrificiis libando. Denique ASPERGILLVM cernitur, melius delineatum,

quo aquam lustralem spargere sacerdotes solebant: Quæ singula pariter visuntur in nummo Cæs. Octav. Augusti apud *Patinum* pag. 24. sine vlla tamen interpretatione.

17. INSIGNIA EADEM, nisi quod simpulum desit, nudumque saltem aspergilli manubrium conspiciatur. Hic denuo notanda negligentia sculptoris, qui gemmæ nostræ typum elegantem minime est assecutus; cui multo proximus accedit imago nummi veteris a *Guil. du Choul* p. 228. exhibita.

18. PONTIFICATVS ET AVGVRA TVS INSIGNIA, fere communia, lauro inclusa, nempe LITVVS & VAS, quod magis videtur esse PRAEFERICVLVM quam Simpulum. Figuras consimiles deprehendere licet apud eundem *Choulium* p. 228. & seq. e nummis Iul. Cæs. & Lentuli Spinteri depromptas.

19. ARMA HERCVLIS, ARCVS scilicet, PHARETRA cum sagittis & CLAVA; cuiusmodi ferme occurrunt in Achate *Gorlæi* I. 108. tum & in nummis Postumi passim descriptis. Gemmæ nostræ peculiaris est PALMA, sine dubio in virtutis & victoriæ signum apposita.

20. DELPHINVS CIRCVMPLECTENS ANCHORAM, frequens omninotypus in Græcis Romanisque nummis, siue imperii maritimi, siue quietis eius index. conf. *Gorlæi* I. 181.

21. CORNV COPIAE DVPLEX, omnium rerum abundantiam significans, quale diuersis in nummis spectatur, præsertim in isto Liuiæ apud *Patinum* p. 42. vbi tota illius Cornu historia ex *Diodoro* illustratur.

22. AQVILA TRIVMPHALIS, aut victoriæ index, per fectum rostro gestatum. Consimiles in gemmis imagines sistuntur a *Gorlæo* I. 129. & *Augustino* I. 195.

23. VRBIS ROMÆ TYPVS, Luna videlicet crescens, quæ globum comprehendit, superpositis duabus stellis. Talem *Choulius* p. 164. ex veteri nummo æneo repræsentat.

24. CYZICI, VRBIS MYSIÆ SIGNVM, columna nempe exardens, vel tæda potius, cui serpens circumuolutus est. Eandem faciem inter nummos Antonini conspiciendam sistit *Patinus* p. 191. ampliorem addita, de urbis & symboli illius ortu, commentatione.

25. PALMA, peruulgatum IVDÆÆ a Romanis CAPTÆ signum, tamen ea raro sola, sed appositis frequenter captiuis aut aliis personis, denique literis stipata inueniatur, præsertim in Vespasianorum & Neruæ nummis, cum alibi, tum in *Theaur. Brandenb.* Part. II. p. 630. & 35.

nec non Part. III. p. 110. considerandis.

TAB. V.



TAB. V.

Ameth.

1.



Ameth.

2.



Sardius

3.



Sardius

4.



Ameth.

5.



Ameth.

6.



Sardius

7.



Sardius

8.



Sard.

9.



Sardius

10.



Sardius

11.



Sardius

12.



Cristall.

13.



Jaspis.

14.



Achat.

15.



Chalcedon.

16.







## TAB. V.

I. AVGV RV M ET SACERDOTVM pleraque SIGNA illa, quæ Tab. IV. fig. 16. & 18. iam sunt expofita; *Lituus* nempe & *Præfericulum*, *Aspergillum* & *Simpulum*, quæ omnia pariter in nummis Antonini Pii & M. Aurelii confpiciuntur apud *Choulum* p. m. 306.

2. SERPENTIS AESCV LAPII NVMEN ad aram afurgens, indeque facram *diva θυμίατον* aut thuris consecrati fumum recipiens; cuiusmodi fere apparet in nummo quodam Epidauri, quem idem *Choulus* p. 105. recenset.

3. SERPENS, Imperii apud Aegyptios symbolum, *gyris multiplicibus*, retro *caduceum*, *spicam* ante fe appolitam habens, innuendæ videlicet vbicunque paci & vberitati: Quale fchema extat in nummo Hadriani apud *Patinum* p. m. 156. Ceterum in gemmæ noſtratis præſente icone chalcographus apices caducei abſurde frondibus ornavit.

4. EQVVS *currens*, cui DRACO eſt impoſitus, ſpectatur fimiliter in nummo Domitiani; quamvis ſignificationem eius ſe nſcire fatetur *Patinus* p. 135. Fortaſſe autem prudentiam Cæſaris, fortitudini & celeritati coniunctam arguit.

5. EQVVS MARINVS, in piſcem deſinens. Huiusmodi quatuor curſum Neptuni trahere finguntur: *Quin* etiam in aliquibus nummis tanquam *ſymbolum Neptuni* equus marinus cernitur; in gemma vero idem occurrit apud L. *Auguſtin.* I. 112.

6. DELPHINVS, præ cunctis fere piſcibus valde celebratus Poetarum fabulis, & inter ſigna cæleſtiarelatus.

7. CAPRICORNVS, *cornu copię* gerens, quo ſigno Auguſtus in nummis uſus eſt, vt genituram ſuam orbi terrarum auſpicatam declararet. Conf. *Sueton.* cap. 94. Nummi vero imaginem *Patinus* exhibet p. 24.

8. AVIS, ſine dubio IBIS, quondam Iſidi ab Aegyptiis ſacrata, & in ipſorum hieroglyphicis admodum frequens, cuius ampliorem hiftoriam ex antiquis autoribus contexuit *Laur. Pignorius* in explic. menſæ Iſiacæ edit. nou. p. 76. & ſeq.

E

9. AEGY-

9. AEGYPTVS, matronae forma, *sisrum* obtendens *Ibidi*, in columna oppositæ. Manu læua innititur *calathæ*, *spicis*, an floribus pleno. Eadem propemodum figuraprehenditur in nummo Hadriani, quem præter alios recensuit *Anton. Augustinus* antiq. numm. p. 41.

10. DANVBIVS FLVVIVS, quemadmodum pingitur in nummo Traiani apud *Begerum*. *Thef. Brand.* II. p. 647. arcuato circa caput velo, altera manu ratem tenens, altera effundens hydriam.

11. RHENVS FLVVIVS, *arundinis* aut alius plantæ ramum dextra gerens, brachiumque sinistrum imponens *hydriæ*. Similem quodammodo refert *Postumi* nummus, in eodem *Thesauro Brand.* p. 748. cum inscriptione, *Salus Prouinciarum*.

12. SENEX INGENICVLATVS, cui *Amor* seu *Cupido* alludit, an potius illudit: Hunc alatum repræsentat gemma nostra, quod *chalcographus* neglexit.

13. ARISTOMACHVS, Philosophus, apum per annos duodesexaginta *speculator* assiduus, teste *Plinio* Lib. XI. cap. 9. Conformes imagines videsis in *Gorl.* Part II. 235. & *L. Augustin.* II. 37.

14. CORNV. COPIAE *geminum*, *spicis* interpositis distinctum, non tam abundantiae (quod *Gorlaeus* I. 6. voluit) quam *felicitatis publicæ signum*, sicuti patet ex nummo *Seueri* apud *Choul.* p. m. 112.

15. SPHINX, hieroglyphicum antiquitatis figmentum, vultu virgineo, corpore leonino, rotam versans. Conf. *Augustin.* I. 206. de *Sphingis* autem *Aegyptiæ* & *Thebanæ* differentiis *Thef. Brand.* III. p. 369.

16. CHIMAERA, vel si mauis, *Abraxicæ superstitionis specimen*, compositum ex *Ibide*, duabus laruis humanis, capite arietino, quod draconem ore sustinet. Cæterum pedibus insistit *lacertæ* aut *crocodilo*: Quare non secundum altitudinem (vti quidem nostra & *Augustini* II. 204. figura vitiose se habet) sed transuersim poni & considerari debet; quæ quidem omnium huius tabulæ Gemmarum communis est conditio.



*Jaspis.*

I.



*Carniol.*

II.



*Lapis Laz.*

III.



*Jaspis.*

IV.



*Jaspis.*

V.



*Achat.*

VI.



*Jaspis.*

VII.



*Chalcedon.*

VIII.



*Jaspis.*

IX.



*Achat.*

X.



*Achat.*

XI.



*Achat.*

XII.







## TAB. VI.

I. LVNA CVM STELLIS circumpositis *septem minoribus*, & impendente *una maiore*: Illas significare plaustrī sidera, hanc solem existimat *Petrus Bellorius* part. II. Lucern. antiqu. 12. & sit tanquam *symbolum æternitatis* & loci, quem veteres Romani defunctorum animabus assignabant.

II. VOTVM, vti apparet, VALETVDINIS CAUSA factum a foemina, quæ *circumplexum columnæ serpentem* apprehendens, Aesculapii Numen deprecari videtur. Præsto est *coronatus senex*, fortasse sacerdos, & iuuenis togatus, assidente alio cum *lyra* aut *cithara*. Non multum a nostra discrepat *gemma*, quam exhibuit *Gorlaeus* II. 674.

III. PENTAGONVM serpente cinctum, haud infrequens *salutis symbolum*, quale omnino extat apud *Gorlaeum* I. 192. perperam ibidem vocante *Gronouio Hexagonum*.

IV. CORVVS *Apollini sacer*, nisi rectius censuit l. c. 19. *Gronouius*, quod sit CORNIX ab ilice prædicens, decantata *Virgilio*.

V. SACRIFICIVM BACCHI, quod ante *columnam* eius peragit *rusticus agricola*, vinum ex vtre effundens in vas aut *carchesium* Baccho sacrum, ceu pluribus verbis declarat *L. Augustin.* I. 134.

VI. BACCHANS, gestu similis furenti, *thyrsus* vibrans, alteraque manu *racemum vuae* attollens, pendente ab eius brachio *leonina pelle*, *amphoram* pede prosternit. Conf. *Augustin.* I. 135. & *Thef. Brand.* III. p. 198. vbi quidem *Begero* FAVNVS aliquis aut SATYRVS SALTANS repræsentari videtur.

VII. SACRIFICIVM PRIAPI, a foemina susceptum, quæ ad *Priapi columnam* poma deponit aliaque dona. Affert ab altera parte puer *nucem pineam* prægrandem, & in capite canistrum, *phallis* rebusque aliis plenum.

Ipse vero *Priapus*, inguine satis viriliter porrecto, insistit columnæ, *thyrsum* gestans humero, atque hoc ipso *Dionysum* simul referens: quam in rem plura commentantur *L. Augustin.* II. 13. & *Begerus* in *Thef. Palatin.* p. 102.

VIII. CALIGULAE nefarium ac turpe SACRIFICIUM ITYPHALLICVM, quod ille cum tribus sororibus, Lucilla, Drusilla & Iulia celebrasse fertur: In hoc nos tantum artificii figurarum præstantiam cum *L. Augustino* I. 142. laudamus, cætera detestamur.

IX. ABRAXAS, cuius immensam prope varietatem existere iam supra ad Tab. IV. fig. 4. notauimus. In præfenti autem schemate comparet *senex*, toruo vultu, & amplissime mentulatus, *humeris pedibusque alatis*, altera manu *scorpium* & *baculum* tenens, altera *utrumque sibi femur stylo transfigens*. Post alas superiores duo extenduntur *brachia*, quæ totidem ab utroque latere complectuntur *sceptra*. Innititur hoc monstrum pedibus *serpente*, ita *gyrato*, ut caudam mordeat; in eius autem gyro includuntur *cancer*, *canis*, *coruus*, & quartum animal incertum, nisi forte *castor* est. Cæterum in explicatione illius tam insignis *Abraxæ* totus quasi est *L. Augustinus* II. 36. assimiles autem ipsi figuras spectare licet in *Gorl. auct. num.* 352. & seq.

X. THALIA MVSA, Comœdiarum præses, *laruam comicam*, prolixè barbatam, pro signo manu tenens. Conf. *Augustin.* I. 143.

XI. MELEAGER, cum *canibus venaticis*, binisque instructus *venabulis*, quibus *aprum* immanem *Calydonium* transuerberasse dicitur. Huius ille *caput*, vna cum cervino appositum aræ, videtur immolare velle *Numini*, quod fortassis est *Dianæ*.

XII. CLEOPATRA, mortem sibi inferens morsu *aspidis*, ad brachium applicatæ; prorsus ita congruente spectaculo cum *Plutarchi* narratione, quam curiosius expendit *Begerus Thef. Brand.* I. p. 215.



Sardius

I.



Sardius

II.



Chalcedon

III.



Chalcedon

IV.



Chalcedon

V.



Gijstall

VI.









## TAB. VII.

I. Siftitur hic imitamentum felicissimum Gemmæ cuiusdam pretiosissimæ, & admirabili artificio sculptæ, quam asseruat Regium Parisiense Cimeliarchium, titulo *sigilli Michaelis Angeli* (*cachet de Michel Ange*) quamvis id proprium olim fuerit *Raphæli Urbinati*, præstantissimo pictori. Nouam illius & elegantem auctæ magnitudinis imaginem, æri incisam, *Abbati Bignonio* dedicauit *G. Montbard*, subiuncta idiomate Gallico explicatione, cuius summam, paucis mutatis & additis, hoc loco nos inferere consultum ducimus. Repræsentat ista gemma *specimen* FESTI ET SACRIFICII in honorem BACCHI & eiusdem natiuitatis memoriam instituti. Apparet autem *infans* BACCHVS, quem *INO* lactat, præcipua ipsius nutrix. Prope hanc altera confidet nutrix, formosa *HIPPA*, *Orphei* carmine celebrata. Proximus ille senex *ATHAMAS* est, aut *SILENVS*, aut certe *FAVNVS* quidam, qui sacerdotis munere fungitur, tenetque super ignem *pateram* vino plenam. *Seruulus* aliquis adducit *hircum* BACCHO immolandum, & vas amplum siue *ollam* affert. SATYRVS arbori adnixus, *cornu* inflat. NYMPHAE, quæ non minus ac Fauni, Satyri aliique Bacchantes in comitatum *Bacchi* leguntur, *corbes* siue *canistra* floribus & fructibus referta, capitibusque imposita gestant, eodem modo, quo Virgines Athenienses quondam solebant in festis, *Canephoria* nuncupatis. Bini CVPIDINES expanso super medium velo adhærent, quemadmodum ab *Anacreonte*, & in variis monumentis antiquis *Baccho* familiares esse singuntur. Alteri eorum una ex *Bacchantibus* exultans offert *cymbalum*, in Orgiis olim vsitatum instrumentum. APOLLO erectus *equo* (fortassis *Pegaso*) adstat eidemque *pateram* porrigit: Notum autem est, tam Græcos quam Aegyptios confudisse *Numen Apollinis*

*linis & Bacchi. Duæ arbores, quarum alteram pampini circumplectuntur, sine dubio sunt Vlmæ aut Populi, sustinentis Vitibus gratissimæ, Plinii testimonio. In inferiore segmento Gemmæ PISCATOR apparet, cuius significationem, indeque ductam de antiquitate istius sculpturæ coniecturam Commentatoris Galli, sane nimium subtilem, infirmam & fere ridiculam, omnino piget huc transferre.*

II. FESTVM, sicuti videtur, NVPTIALE. Sub velo enim, inter duas arbores suspenso recumbunt, amantium more iocantes, *maritus nouus & sponsa*, pone quam stant *parentes*, & *mater* inprimis, flammeo contectura nuptam. E regione *coronati* spectantur *tibicen*, & quidam alius, Hymenæum aut Thalassionem fortasse inclamans.

III. IV. V. BACCHANTIVM TURBA petulantissima, e *Satyris & hominibus nudis, maribus atque feminis* confusa. Eorum nonnulli *uas* manibus exprimunt, alii *cymbala & tympana* tractant, alii *tibias & cornua* inflant, *thyrsos* fibrant alii: omnes denique tanquam furore perciti, turpissimo varioque gestu *exultantes*, insana *Liberi patris* sacra gnauiter ac strenue obeunt; vt adeo tribus hisce distinctis gemmis vnum plane continuum spectaculum exhiberi videatur, ad quod profecto belle quadrat *Ouidii Lib. III. Fast. descriptio.*

*Illic & cantant, quicquid didicere theatris*

*Et iactant faciles ad sua verba manus.*

*Et ducunt posito duras cratere choreas,*

*Cultaque diffusis saltat amica choris.*

*Cum redeunt, titubant, & sunt SPECTACVLA VVLGI*

*Et fortunatos obuia turba vocat.*

*Occurrit nuper, visa est mihi digna relatu*

*Pompa, senem potum pota trahabat anus.*

*Achat.*

I.



*Achat.*

II.



*Achat.*  
III.




*Jaspis.*

IV.



*Jaspis.*

VI.



*Lap.  
Nephrit.*

V.

ΙΑ ΕΗ  
ΗΑΤΡΕΝ  
ΔΝΗΥΝΗΕΙ  
ΛΔΡΙΚΥΙΦΙΑ  
ΕΥΕΑ ΙΦΡΙ  
ΚΙΡΔΛΙΟΟ  
ΝΙΛΥΟΝΕΝ  
ΕΡΦΑΒΙ  
ΕΑΙ





VI. FAVNVS, *caprinae pelli insidens*, & BARBAM CAPRAE VELLICANS; cuius inventionis rationem ex *Plinio* reddere satagit *L. Augustinus* l. 176. quod si nempe pastor capram barba prehendam, omnes alias consistere velut stupidas. *Pierius* inde format hieroglyphicum in symbolum timoris & animi victi: etsi in hac figura *Fauni* appareat potius typus lasciviae.

## TAB. VIII.

I. AVRORA, *per nubes vecta*, non quidem quadrigis, qualem finxit olim *Virgilius* Aen. VI.

*Roseis aurora quadrigis*

*Iam medium æthereo currum traiecerat axem.*

neque bigis, eidem alibi ab eodem poeta attributis:

*Aurora in roseis fulgebat lutea bigis.*

Sed vnico currum trahente *Pegaso*, quem *Iupiter*, post interitum *Bellerophontis*, in *Auroræ* usum concessisse scribitur, propriumque hinc seorsim facit in *Alexandra Lycophron*:

*Aurora montem Phagium aduolauerat*

*Velocis altum nuper alis Pegasi.*

Præcurrit splendore eximio *Phosphorus* aut *Lucifer*. Ipsa vero *Aurora* manu dextra spargit rosas, facem tenet sinistra. Currui antè insidet *gallus*, solers *Auroræ* in terris prænuncius. Cæterum ingeniosæ huius compositionis, adeoque & sculpturæ nostræ inuentorem prædicamus *Ioachimum de Sandrart*, l. c. p. 35. cuius ibidem proposita imago ad amissim fere similis nostræ gemmæ existit.

II. LEO MITHRIACVS, *apem* ore tenens, ac septem *stellis* cinctus, quarum vnaquæque diuersis, partim obscuris ac deprauatis *characteribus Græcis* circumscribitur. Totum hoc *mysteriorum Abraxicorum specimen* curiose non minus quam fuse dilucidauit *L. Augustinus* II. 34. & e *Io. Chifletii libro de Gemmis Basilidianis* characterum istorum correctionem addidit. Cæterum iam pridem annotatum reliquit *Strabo* Lib. XV. *Solem* a Per-sis appellatum fuisse MITHRAM.

III. ERIS, siue DISCORDIA, cum famoso *pomo* suo, & *ense* pectus transfixa, quemadmodum, Iouis nutu, in terram cœlo detruditur a duobus geniis, quorum alter ipsam *hasta* petit, alter *fulmine* percutit. Conformis gemmæ nostræ imago extat apud laudatum *Ioach. de Sandrart* p. 143.

IV. NOMEN SALVTIFERVM, ramis oleæ coronatum; quale passim occurrit inter antiqua Christianorum monumenta, recensente inprimis *Paulo Aringhio* in Roma subterranea nouissima: simillimam autem præfenti figuram exhibet *Gorlæus* I. 184.

V. CHARACTERES MAGICI, ad eorum exemplar efficti, quos lapidi Lazuli insculptos sistit *Augustinus* II. 37. qui ad *Abraxæ arcana* illos pertinere ostendit, tametsi nullum inde sensum expromere se posse fateatur; sicut etiam nos ad hunc eruendum opus esse Oedipo arbitramur.

VI. MAGICVM pariter SIGNVM hæc gemma refert, literis Græcis ΕΤΕΡΟΥ insignita, pro cuius explicatione nihil omnino asferre potuit aut voluit *Gronauus* in *Gorl.* I. 41.

TAB. IX.





Exhibet hæc gemma, sane perpul-  
chra, DEOS gentium præcipuos, ex ha-  
bitu & signis suis facile dignoscendos.  
Solut autem in folio residet IUPITER,  
quem cæteri circumstant, & plerique,  
sicut ipse, ramos arborum sustinent;  
cui aspectui lucem affundit locus *Plinii*  
Lib. XII. cap. I. *Arborum genera Numi-*  
*minibus suis dicata perpetuo seruantur,*  
*ut IOVI esculus, APOLLINI laurus,*  
*MINERVAE olea, VENERI myrtus,*  
*HERCVLI populus, &c.* Memorantur  
autem præterea longe plures arbo-  
rum, Diis diuersis sacratæ species, de qui-  
bus omnino legi meretur *Benedictus*  
*Curtius Symphorianus*, in Libro V. Hor-  
torum, tam raro quam erudito & ele-  
ganti opere.

QVam hæc gemma refert historiam,  
seu fabulam potius, eam, referente *Aldro-*  
*vando Dendrolog. Lib. I. p. m. 230. Charon*  
*Lampsacenus*, sequentem fere in modum  
exposuit: *Quidam nomine RHOECVS,*  
*genere Cnidius, speciosam quercum, rogatus*  
*NYMPHAE, illius eiusdem quercus HAMA-*  
*DRYADIS, ab imminente casus periculo,*  
*aggesta terra subtrahens, inde seruata*  
*ob vitam a Nympha reportauit, ut, quic-*  
*quid vellet, citissime acciperet, &c.* In  
præsenti quidem non tam aggerere ter-  
ram arbori, quam fulcimentum appli-  
care conspicitur Rhæcus, binis, fortasse  
loci GENIIS adminiculantibus, Hama-  
dryade coram ipso supplicante, adstanti-  
tibus & veluti applaudentibus NYMPHIS  
pluribus, accumbente, tanquam specta-  
tore, FLVVIO.



## TAB. X.



FLORAM hæc gemma repræsentat, formosæ Nymphæ habitu, in qua honoranda & ornanda plures aliæ occupatæ apparent NYMPHÆ. Vna enim, procumbens in genua, *Floræ* manum deosculari velle videtur: Altera, pariter ingeniculata, varios in quasillo flores offert. Accurrunt aliæ binæ (tametsi vnicam tantum expresserit oscitans Chalcographus) quæ plenos apportant, capitibus impositos, florum calathos. Alia humi reclinata *pateram* tenet, veluti libatura vinum, cui amplius indicio est prope astans *amphora diota*. Cæterum *Floræ* assidet *puerulus* tibiam inflans; dux autem *Nymphæ* saltantes certatim altera *triangulum* agit, altera *tympanum* pulsat. Denique duo GENII, aut si mauis Zephyri fratres, desuper aduolantes, coronare *Floram* contendunt.





TAB. XI.

Chalcedonius.



PROSERPINÆ RAPTUS delineatur hic, tametsi non admodum congruis mythologiæ circumstantiis. Adest equidem, toruo vultu, raptor immanis PLUTO, sceptrum suæ maiestatis signum tenens. Adest pariter PROSERPINA, vel adiacet potius, exanimata quasi, in currum prostrata. Sed ipsius vehiculi aliena est conditio: Nusquam etenim legitur Pluto vestus *Draconibus*, quod Cereri, Proserpinæ matri proprium adscribit *Ovidius* Lib. V. *Metamorph.*

*geminas Dea fertilis angues  
Curribus admovit, frenisque coercuit iras.*

Quis autem sit ille *Ditis* galeatus comes, non facile dixerim: Habuisse enim illum rapinæ suæ focium aliquem, minime constat. Neque etiam claret, quid sibi velit insequens raptorem ense stricto HERCVLES, qui se isti negotio immiscuisse, nullibi (quod ego sciam) memoratur. Quare sculptor, fortasse non satis gnarus antiquæ fabulæ, quandam compositionis fallaciam commisisse videtur. Cæterum *Plutonis* verticem cum lauro imminens VICTORIA, bonum eius factum, & a Ioue ratum habitum, sine dubio indicat.

H

TAB. XII.





## TAB. XII.



**B**ACCHVS, ARIADNEN ducens, ampla, & adeo digna tanto Numine pompa. Ipse enim circumuolutum pampino, an hederâ? sceptrum tenens, cum sponsa sua, mutuis amplexibus, eidem sellæ insidens gestatur a decem ministris familiæ suæ, SILENIS, SATYRIS, FAVNIS, &c. Antegreditur vnus eiusmodi capripes (quem male cornutum glyptes effinxit, contra gemmæ fidem) specioso instructus thyrso; comitatur NYMPHA siue BACCHA exultans & tympanum feriens. Agmen claudit alius, fistulas inflans SATYRVS, concomitante itidem NYMPHA, triangulum percutiente. Altius circumuolitant GENII, vnus quidem canistrum vuis plenum, duo alii cantharos aut amphoras ferentes.

H 2

TAB. XIII.



TAB. XIII.



PRIORIS fabulæ conspectus alius, quo non in sella gestatoria comparet cum ARIADNE BACCHVS, sed curru vehitur a duobus CENTAVRIS; quorum alter Citharam aut Lyræ tractat, alter tibias inflat. Currum proxime SILENVS insequitur, effusum a *Libero* merum poculo excipiens. Ipse autem *Bacchus*, vite aut hedera coronatus, vino languidus, per imminentem a tergo CVPIDINEM flabello fuscitatur; quod idem antèrius *Ariadne*, similiter coronata, tentat, simul vero ex smilace vinculum abblandiens circumducit, & vmbella studiose defendit marcentem. Præcedunt saltantes, SILENVS cum thyrso & pelle, BACCHA cum tympano, FAVNVS tibicen, & SATYRVS turpiter mentulatus, cantharum alte sublatum proiecturus in terram.

I

TAB. XIV.





TAB. XIV.



**B**ACCHANTIVM insana cohors, circa Templum Liberi Patris sui oberrans & grassans. Pone CROTALISTRIVM incedit PORCVS, tanquam dignissimus agminis vniuersi ductor. Insequitur CAPER prægrandis, super puerum humi prostratum saliens, cui ita fugienti puer alius imponere alium gestit. In medio cœtu quidam insidet LEONI, huiusque, vtut indignantis, caudam manu prehensam vellicat. Reliqua turba, ex vtroque sexu, diuersa ætate, nudis & furentibus personis promiscua & confusa, pro more execrandorum istorum BACCHI SACRORVM, alii thyrsum & canistrum gerunt, alii tibiis cantant. Infimo gemmæ loco puerorum eiusdem generis lasciuientium, iisdemque veluti sacris initiatorum spectatur series, & quoddam quasi proliudium.





TAB. XV.




IPHIGENIAE SACRIFICIVM hæc gemma refert, non quidem illud, quo infelix *Agamemmonis* ea *filia* ex voto paterno immolanda erat in Aulide, sed aliud, *DIANA*E TAVRICAE nuncupatum, cuius sacerdotio ipsa *Iphigenia* virgo præerat. Et sane *Templum*, *Ara coronata*, *impositus ignis*, luculenta sacrorum adsunt indicia. Hominum præterea togatorum confluxus celebritatem loci festique sanctitatem amplius declarat. Quem autem laxata, mulier, tunica ad altare ducit *PVERVM nudum*, ipse sacrificio dicatus apparet, non maectandus quidem, sed *loris* saltem *cadendus*: Illo enim crudelissimo ritu apud Lacedæmonios abrogato, deuentum est ad plagas, quarum vi elicientes e puerorum corporibus sanguinem, aspersione huius expiare *Numen Diana* sætegerunt. Videtur autem aræ proxima SACERDOS VIRGO statuam Deæ, paruam & leuem, panniculo inuolutam igni admouere, suffimenti percipiendi causa. Pone ipsam vero conspiciendus *senex* attollit quippiam manu, quod *lorum* esse suspicor, cædendo puero destinatum. Aduolat *VICTORIA* placatum iam Numen, facto sacrificio, & deuictam ipsius iram denuncians. Plura de istis Sacris collegit *Natalis*  
Comes Lib. I. cap. 18.

K

TAB. XVI.



TAB. XVI.



ALIud hic depingitur DIANAЕ SACRIFICIVM, priore multo dirius, vtpote non qualicunque humani cruoris effusione, sed ipsa cæde factitatum. Erat enim quondam apud Achæos *Templum*, DIANAЕ TRICLARIAE dedicatum, in quo, propter causam a *Pausania* Lib. VII. cap. XIX. latius expositam, quotannis *virgo* & *puer*, aliis forma præstantiores immolabantur. Et in præsentī quidem gemma VIRGO conspicitur, in genua prouoluta, tangens *aram*, sacro fumantem *thure*, quod astans EPHEBV in patera porrigere videtur. SACERDOS autem, aspectu plane terribilis & truculentus, in *puellæ* infontis, apprehensum manu sinistra *caput*, altera sublatum stringit *malleum*. Proximus *virgini*, fortasse PATER, admodum lamentabili vultu & gestu casum filiæ deplorat; qualem animi dolorem etiam reliqui præsentēs *viri senes* aperte significant.





TAB. XVII.

Sardius.



**P**ARIDIS IUDICIUM, carminibus Poetarum toties decantatum, fabulisque tritum, in quo licet intueri TRES DEAS illas, quæ de pomo *Eridis aureo*, formæ præstantia obtinendo, inter se certarunt. Spectantur autem *nudæ*, quemadmodum inuerecundus iste & agrestis arbiter præceperat. Ipse residet sub arbore, pedo nixus, *Deæ* adstant, & IVNO quidem, *pauone* suo comitata, eo gestu, quasi spretæ iniuriam formæ vlcisci se velle extensa manu minitaretur. VENVS contra blandiens accipit a iudice POMVM, congratulante matri CVPIDINE. Ast MINERVA, paulisper regressa, vestem recipit, tanquam admonita verbis *Paridis*, a *Luciano in Dial. de iudic. Dearum*, consignatis: *indue te iam Minerua, galeamque impone, satis enim te inspexi*. Opportune vero *Dea* tam rusticano & iniquo iudici tergum obvertit, natesque merenti ostendit. Alium eiusdem iudicii conspectum exhibet gemma varia in *Thef. Brandenb.*

part. I. pag. 43.

L

TAB. XVIII.





TAB. XVIII.



VVLKANVS, armis Aeneæ fabricandis occupatus, quem ipse laborem suscepit inuitatus Veneris suæ precibus, a Virgilio Lib. VIII. Aeneid. eleganter & prolixè recitatis: Ille his obtemperans,

*multa vi brachia tollit,*

*In numerum, versatque tenaci forcipe massam.*

Affidet ab vna parte VENVS, cui pone adstat MERCVRIVS, caduceum attollens, & AENEAS, dona diuæ matris auide expectans. In altero autem latere MARS collocatus est, cum *alia persona*, quam chalcographus male ex ingenio suo Neptunum effinxit coronatum, & absurdius adhuc bidente instructum: Plane vero nihil eorum apparet in ipsa gemma; sed Marti proximus vir, (quisquis etiam ille sit) nudus conspicitur, sicut etiam alter ille, quem modo Aeneam esse censui, non galeato sed nudo capite. Cæterum in gemma quoque desunt Veneris columbæ; CVPIDO autem adest, Marti alludens, qui ferro infidet thoraci & clypeo.



TAB. XIX.

Chalcedonius.



**Z**ALEVCVS, vrbe Locrenſium à ſe ſaluberrimis atque  
 vtiliſſimis legibus munita, cum FILIVS eius adulterii cri-  
 mine damnatus, ſecundum ius ab ipſo conſtitutum, *vtro-  
 que oculo carere* deberet, ac tota ciuitas, in honorem pa-  
 tris, pœnæ neceſſitatem adoleſcentulo remitteret, aliquan-  
 diu repugnauit: Ad vltimum, precibus populi euictus, *ſuo  
 prius, deinde filii oculo eruto*, vſum videndi vtrique reli-  
 quit. Ita debitum ſupplicii modum legi reddidit, æqui-  
 tatis admirabili temperamento, ſe inter miſericordem pa-  
 trem & iuſtum legiſlatorem partitiſ. Tali ſermone vni-  
 verſam glorioſi facinoris illius hiftoriam, quam adeo ele-  
 ganter repræſentat gemma noſtra, complectitur *Valerius  
 Maximus* Lib. VI. cap. 5. quocum conferri poterit  
*Aelianus* Lib. XIII. cap. 24.

M

TAB. XX.





Chalcedonius.

TAB. XX.

Chalcedonius

Rubinis et Smaragdis cinctus.

Rubinis et Smaragdis cinctus.



ROMANI IMPERII, quanta olim fuerit, *maiestas et amplitudo*, duabus hisce gemmis, sane prægrandibus ac perpulchris denotatur: Et in priori quidem, prout latissime illud patuit *Orientem versus*, gloriosum præbet signum *persona muliebris*, in CVRRV SOLIS insitens, manu læua *palmam*, dextra *globum* sustinens, atque simul equos habenis moderans, quorum nomina *Ovidius Metamorph. Lib. II.* recensuit:

*Interea volucres Pyrois, Eous & Aethon,  
Solis equi, quartusque Phlegon, bimittibus auræ  
Flammiferis implens.*

Præluet ardente face, velo expanso PHOSPHORVS; quadrigis autem subiacet *fluvii* cuiusdam imago, fortasse ORONTIS.

In altera gemma eiusdem Imperii *versus Occidentem* splendidus apparet typus, in CVRRV LVNAE *bigato*, qualis ipsi ab antiquo est attributus, perinde vt *quadriga Soli* sunt adscriptæ, iuxta *Manilium Astronom. Lib. V.*

*Quadrigis & Phœbus equis, & Delia bigis.*

Videntur autem rapido cursu, pronis capitibus, velut in Oceanum præcipitari, HESPERO imminente partimque frena dirigente. Subiacens *aversus fluvius, Tagum* forte, aut RHODANVM potius designat, vtpote plurimum ab Oronte distantem. Cæterum istam Imperii Romani *amplitudinem* artificioso inprimis carmine celebravit *Claudianus in Sec. Conf. Stilichonis*, vnde fragmenta quædam iuuabit traducere.

*Hæc est, exiguis quæ finibus orta retendit  
In geminos axes, parvæque a sede profectas  
DISPERSIT CVM SOLE MANVS, — — .  
Huius pacificis debemus moribus, omnes  
Quod bibimus passim RHODANVM, potamus ORONTEM.  
Quod cuncti gens una sumus. nec terminus unquam  
Romana ditiosis erit.*

M 2

TAB. XXI.





Sardonix.




VIx vlla interpretatione indiget hæc gemma , quæ RAPTVM SABINARVM VIRGINVM , instinctu Romuli perpetratum , adeo aperte & luculenter ante oculos statuit , quasi viuis depicta coloribus res ipsa loqueretur. Sane iurares te videre , quemadmodum *Liui*o Lib. I. cap. 9. narrante , ex composito sit orta vis , signoque dato *iuventus Romana* ad rapiendas *virgines* discurret ; quomodo magna pars , vt in quem quæque inciderat , sint raptæ. Dubitares omnino , vtrum maior in *raptoribus* audacia & auiditas , an vehementior in *raptis* animorum dolor ac perturbatio appareat ? dum ex his aliæ desperatam capessunt fugam , aliæ supplices in terram se coniiciunt , aliæ omnibus adhibitis viribus amplexui *captatorum* resistunt , quædam denique sublati ad cælum manibus rapinæ violentiam , aspectu plane miserabili , sed frustra , deprecantur.

N

TAB. XXII.



Sardius.



Sardius.



PRÆcipuam fatorum FAMILIÆ HORATIANÆ partem hic graphice depictam cernis; PATREM nempe coram *Tullo Rege* supplicantem cum FILIO. Hic debellatis Curiatiis, partoque adeo Romanis in Albanos Imperio, gloriosus victor urbem ingressurus, sororem obuiam factam, & vnus ex hostibus, sibi antea desponsati interitum importune lugentem, indignabundus trucidauerat, proptereaque mox afficiendus erat supplicio. Non tulit hoc affictus parens, sed graui oratione, quam *Liuius* cum vniuersa historia Lib. I. cap. 27. recensuit, necem filii deprecatus est. Procum-bentes igitur vides, lamentabili facie, *P. Horatium* patrem eiusque filium superstitem vnicum, colligatis iam manibus, ante Regis solium, pone quod adstat *lictor cum fascibus*. Assident ab altero latere modo creati forsitan *Duum-viri perduellionis*, aut *capitales* dicti.


Supplicantium tergo imminet  
*hastatus cum clypeo miles.*

AVdacissimum C. MUCII propositum, de *PORSENA Etruscorum Rege* obtundendo, iam supra ad *Tab. III. fig. 63.* commemoratum fuit. Iam eadem, sed ampliore apparatu, denuo repræsentatur historia, cuius hanc summam percipe. Posteaquam *Mucius*, loco Regis, alium hominem, quem *Liuius* Lib. II. cap. 12. scribam fuisse tradit, interfecisset, rex *ignes* circumdari minitabundus iussit, nisi ille captiuus expromeret protere, quas insidiarum sibi minas per ambages iaceret. *Mucius* contra, *En tibi*, inquit, *ut sentias, quam vile corpus sit iis, qui magnam gloriam vident*, dextramque accenso ad sacrificium foculo iniicit; quam quum velut alienato ab sensu torreret animo, prope attonitus miraculo rex, quum ab sede sua prosluisset, amoueri-que ab altaribus iuuenem iussisset: *Tu vero abi*, inquit, *in te magis quam in me hostilia ausus, iuberem macte virtute esse, si pro mea patria ista virtus staret, nunc iure belli liberum te, intactum in-violatumque hinc demitto*. Cæterum iste *Mucius*, post tam gloriosum facinus, a clade dextræ manus cognomen-tum SCAEVOLÆ reportauit.





T A B . X X I I I .



I Nter illustriora *continentia* exempla nulli secundum est illud P. SCI-  
 PIONIS AFRICANI, a *Valerio Maximo Lib. IV. cap. III.* lau-  
 datum : Is cum in Hispania, Carthagine oppressa, multos obsides,  
 quos in ea vrbe Poeni clausos habuerant, in suam potestatem redegis-  
 set, *eximia* inter eos *forma virginem*, ætatis adultæ, & iuuenis, & celebs,  
 & victor, postquam comperit illustri loco inter Celtiberos natam,  
 nobilissimoque generis eius *Indibili* desponsam, accersitis parentibus,  
 & sponso inuiolatam tradidit. Aurum quoque, quod pro redemptione  
 puellæ allatum erat, summæ dotis adiecit. Qua *continentia* & muni-  
 ficentia *Indibilis* obligatus, Celtiberorum animos Romanis applicando,  
 meritis eius gratiam debitam retulit. Optime autem ad ipsam hanc *histo-*  
*riam* quadrat *gemma nostra* typus. Videlicet ante solium *Scipionis*, incli-  
 nato sceptro suam clementiam significantis, supplicantur obses *virgo* hu-  
 iusque *sponsus* : adiacens virgini *agnus*, fortasse innocentiam ipsius, aut  
 benignitatem *Scipionis* indicat. *Parentes*, tanquam pleni venerationis  
 erga humanum adeo victorem, stant pone supplicantes, *multitudine*  
*militum* præsentis & factum tam præclarum admirante.

O

T A B . X X I V .







**POMPEII MAGNI** perfidus interfector, *Achillas*, DETRVNCA. TVM illius CAPVT in lance ostentans, Tab. III. fig. 59. iam est expositus. Nunc denuo sistitur idem fere spectaculum, quando, iussu Ptolomæi Regis, aduentanti in Ægyptum CAESARI caput Pompeii offert *Theodotus rhetor*, quem quidem, vti scelestum auersatus esse *Caesar*, lacrymasque ob interitum tanti viri & quondam generi sui profudisse fertur ab *Ammiano*, *Val. Maximo* & *Plutarcho*; tametsi neutiquam sincerum, sed simulatum fuisse moerorem illum arbitretur *Lucanus Belli Civil. Lib. IX.*

— — — Sic fatus (*Theodotus*) opertum

*Detexit, tenuitque caput. iam languida morte*

*Effigies habitum noti mutauerat oris.*

*Non primo Caesar damnauit munera visu,*

*Auertitque oculos: vultus, dum crederet, hesit:*

*Vique fidem vidit sceleris, tutumque putauit*

*Iam bonus esse socer; lacrymas non sponte cadentes*

*Effudit, gemitusque expressit pectore lato.*

Edidit autem deinceps idem Poeta, quomodo nihilominus *Caesar* offendentem increpauerit:

*Aufer ab aspectu nostro funesta satellites*

*Regis dona tui: peius de Cesare vestrum*

*Quam de Pompeio meruit scelus, unica belli*

*Premia ciuilibus, victis donare salutem*

*Perdidimus.*

Cæterum eandem historiam, in achate artificiosissime exciso, figuris tamen a nostratibus haud parum diuersis, exhibet *Theaurus*

*Brandenb. part. I. pag. 220.*



Chalcedonius



QVem modo vidimus abscissi capitis Pompeiani spectatorem, C. IV. LIVM CAESAREM, ipsum iam morte violenta pereuntem cernimus. Tragediæ notissimæ summam ex Plutarcho liceat repetere. Coniurati gladium unusquisque strinxerunt. Ita Cæsar circulo armatorum inclusus, & quocunque faciem conuerterat, ictibus occurrens in ferrumque offendens vultui oculisque intentatum, fere instar inter manus omnium sese obuersavit: omnes enim oportuit participes cadis eius fieri, ideoque unum etiam vulnus ad inguen ei Brutus imposuit. Perhibent Cæsarem, cum reluctatus aduersus ceteros esset, vociferansque corpus hinc inde iactasset, ut viderit Brutum gladium nudasse, toga caput obnubisse, &c. Ast in præfenti schemate, vitio chalcographi, toga omnino destituitur Cæsar, qua tamen caput obuoluisse, præter Plutarchum etiam Suetonius diserte tradidit, idemque gemma nostra luculenter repræsentat. Similiter hallucinatus est glyptes, quando galeatum finxit Cæsarem, quem gemma clarissime ostendit coronatum laurea, cuius perpetuo gestandæ ius eo libentius a Senatu receperat, quo studiosius caluitii deformitatem beneficio illius occultare nitebatur.





TAB. XXVI.



GEMMAE AVGVSTEAЕ, singulari commentario a Perillu-  
stri *Cupero* explicatae, pulcherrimum exemplar hic apparet, CVRRVM  
referens TRIVMPHALEM, a binis CENTAVRIS tractum,  
quorum alter *militarem thoracem & chypeum* sustinet, alter eleuata manu  
digitisque extensis VICTORIAM monstrat, cum *laurea* superne  
aduolantem. In medio curru sedet AVGVSTVS capite laurato,  
*fulmen* in manu gerens, eoque ipso *Iouem fulminantem* repraesentans:  
Altera manu amplectitur assidentem, *Iunonis habitu*, LIVIAM suam.  
Pone *Augustum* collocata est soror ipsius OCTAVIA, vti quidem  
Clar. *Gravius* existimavit, tametsi laudatus *Cuperus* IVLIAM magis  
esse suspicetur; quemadmodum etiam *puer*, ante *Augusti* pedes con-  
fidens, baculumque aut sceptrum tenens, *galeatus*, *Martis iuuenis*  
forma, non MARCELLVM, sed TIBERIVM indicare ci-  
dem videtur. Ceterum adiacet curru CANTHARVS, bibaci-  
tatem fortasse arguens *Centauroorum*, qui ambo, sublati pedibus,  
quasi mox conculcaturi sunt prostratos ante se  
*Augusti hostes*.





TAB. XXVII.



Alterius GEMMAE AVGVSTAE specimen hoc est, illius nempe celeberrimæ, quam olim *Philippus pulcher*, ab Hierosolymitanis Equitibus acceptum, Monialibus Pissiaci legauerat, postea vero per bella ciuilia furto sublatum mercatores quidam detulerunt in Germaniam, & *Rudolpho II.* diuenerunt duodecim millibus aureorum. Exhibet vero APOTHEOSIN VIVENTIS AVGVSTI, qui in sella conspicitur seminudus, dextra manu *sceptrum*, sinistra *lituum* tenens, pedibus *clypeo* impositis, *aquila* adstante. ROMA DEA, *Augusto* assidens, *Liuiam* referre videtur, galeamque, hastam, clypeum & parazonium habet. Inter ipsius & *Augusti* frontem imminet in orbiculo CAPRICORNVS, horoscopum Caesaris designans. A tergo *Augusti* matrona turrato diademate & velo tecta, CYBELE videlicet, vna cum NEPTVNO *Augustum* laureo ferto coronat. Illis adiacet AGRIPPINA Germanici, cum cornu copiae, & puerulis nudis stipatur. Ab altera sellæ Augustæ parte stat CAESAR GERMANICVS, paludatus accinctusque, pone quem in curru triumphali consistit TIBERIVS laureatus, moderante habenas VICTORIA. In segmento gemmæ inferiore milites Romani TROPÆVM statuunt de Dalmatis & Pannoniis: *Clypeus* autem *tropæo* aptatus *insigne scorpii* præfert. Tantillum licuit per chartæ angustiam apponere, ex *Alberti Rubenii* sententia, pro figuris *gemmæ nostræ* explicandis. Reliqua plura legi possunt in peculiari illius de eadem *gemma* dissertatione, quam & Clar. *Grauius* Tomo XI. *Thef. Antiqu. Rom.* inseruit.

Q

TAB. XXVIII.



TAB. XXVIII.



**V**T magnitudine, sic artificio & numero imaginum, antecedentem *Augusteam* Gemmam non parum superat ACHATES ille TIBERIANVS, qui parem in orbe terrarum vix habere creditur; cuius explicationem, post *Peireskium*, *Tristanum*, *Rubenium*, singulari libro *Iac. le Roy S. R. I. Liber Baro* dedit, cuiusque *ætypum* chalcedonio elegantissime insculptum nos hic proponimus, breuiterque indicamus, quod ipsa gemma repræsentet D. AVGVSTI APOTHEOSIN, IMP. CAES. TIBERII, AVGVSTAEQVE DOMVS IVLIAE *seriem & iconas*, gentesque bello captas. Minime autem patitur angustum huius chartæ spacium, vt omnes atque singulas personas, earumque signa & habitum seorsim edisseramus: Quare pro noticia vberiore *Lectorem beneuolum* remittimus ad laudatam *D. le Roy explicationem*, Amstelodami Anno MDCLXXXIII, editam.

Q 2

TAB. XXIX.





TAB. XXIX.



**SERGII GALBAE, Imperatoris Roman.** INTERITVS hic depingitur, quamvis non admodum congruentibus historiæ conditionibus. Ipsum etenim, LXXIII. annorum ætate & articulorum morbis languentem, lectica aut sella gestatum, adeoque non stantem, ab Ottoniana factione interemptum narrant *C. Tacitus & Plutarchus*, qui etiam perinde ut *Suetonius* thorace lineo indutum, & propterea non in pectore, sed in iugulo, brachiis & pedibus vulneratum perhibent. Trucidandum, ne forte resisteret, *iniecitis a tergo manibus continere miles* cernitur in gemma nostra, tametsi e laudatis scriptoribus constet, quod *ultro percussoribus obtulerit iugulum, hortatusque fuerit, ut hoc agerent, ac ferirent, si quando ita videretur esse ex re populi Romani.*

R

TAB. XXX.





## TAB. XXX.

*Chalcedonius*  
*Topasius cinctus*



VLtima quidem in ordine est hæc gemma, formæ tamen amplitudine & artificio nulli secunda, TITI VESPASIANI TRIVMPHV M DE IVDAEA CAPTA pulchre exprimens. Ac solus quidem in CVRRV apparet *Titus*, tametsi cum *patre, Flauio Vespasiano*, communem habuisse illum *triumphum* nonnulli autores scribant. Eminent prope *Casarem VICTORIA*, *coronam lauream* capiti eius impositura. *Currum* trahunt *quatuor equi*, monilibus, antilenisue lunatis, ex auro ac gemmis, splendide ornati, quibus a dextro latere adest, frenaque tenet *persona muliebris*, alte præcincta, galeata & hastata, ROMAM sine dubio significans. Antecedit, & comitatur *Casarem*, *multitudo virorum togatorum*, laureatorum & ouantium, quorum aliqui *fascès* præferunt. Cæterum vniuersam istius *triumphi* pompam & magnificentiam prolixè descripsit *Iosephus* Lib. VII.

*de bello Iud. cap. XXIII.*



# INDEX RERVM.

*Numerus Romanus Tabulam, alter Figuram  
gemmarum designat.*

A.

**A** Braxas IV, 4. VI, 9.  
Achates Tiberianus  
XXVIII.  
Achillas III, 59. XXIV.  
Aegyptus V, 9.  
Aegyptium monstrum IV, 8.  
Aeneas III, 60.  
Aesculapius II, 38. V, 2:  
Aeternitas I, 1, 2.  
Aeterna concordia II, 45.  
Alexander Magnus III, 11.  
Amuletum IV, 5.  
Apollo I, 6.  
Apollinis tripus, consecra-  
tio, cithara IV, 13, 14.  
Aquila triumphalis IV, 22.  
Ariadne a Baccho ducta XII  
& XIII.  
Aristomachus V, 13.  
Arma Herculis IV, 19.  
Armorum custos III, 70.  
Augurum signa V, 1.  
Auguratus insignia IV, 17.  
Augustea gemma XXVI.  
& XXVII.  
Auis Ibis V, 8.  
Aurora VIII, 1.

B.

**B**acchus Ariadnen ducens  
XII & XIII.  
Bacchi facerdos III, 53.  
sacrificium VI, 5. VII, 1.

Bacchans VI, 6.  
Bacchantium insana cohors  
VII, 3, 4, 5. XIV.  
Bellona I, 12.  
Bonus genius II, 31.  
Britannicus III, 65.

C.

**C**aligulae nefarium sacri-  
ficium VI, 8.  
Canopus IV, 2.  
Capricornus V, 7.  
Ceres I, 20.  
Characteres magici VIII, 5, 6.  
Chimæra IV, 5. V, 16.  
Cincinnatus III, 64.  
Cithara Apollinis IV, 14.  
Cleopatra VI, 12.  
Concordia æterna II, 45.  
Consecratio Apollinis IV, 13.  
Conseruatrici fortuna II, 44.  
Conseruator Apollo I, 6.  
Continentiæ exemplum XXIII.  
Cornu copiae duplex IV, 21.  
V, 14.  
Coruus Apollini sacer VI, 4.  
Custos Iupiter I, 4.  
Custos armorum III, 70.  
Cyzici, urbis Mysiae signum  
IV, 24.

D.

**D**anubius fluuius V, 10.  
Delphinus V, 6. circum-  
plectens anchoram IV, 20.  
S  
Demo-



# INDEX RERVM.

Democritus Abderita III, 55.  
 Demogorgon III, 57.  
 Deorum prouidentia I, 3.  
 Deorum gentilium repræsentatio IX, 1.  
 Diana lucifera, venatrix, Ephesia I, 21, 22, 23.  
 Dianæ sacrificium XVI.  
 Discordia VIII, 3.  
 Draco IV, 9. impositus equo V, 4.

## E.

**E**phesia Diana I, 23.  
 Equus currens cum dracone V, 4.  
 Equus marinus V, 5.  
 Eris seu discordia VIII, 3.  
 Euamerion II, 39.

## F.

**F**auus I, 25. VII, 6.  
 Festum Bacchi VII, 1.  
 Nuptiale VII, 2.  
 Floræ repræsentatio X.  
 Formica IV, 1, 7.  
 Fortuna II, 42, 43.

## G.

**G**emma Augustea XXVI & XXVII.  
 Genius bonus II, 31.  
 Gladiator Rudiarius III, 66.  
 Gratia tres I, 15.

## H.

**H**arpocrates II, 48.  
 Harpyia IV, 6.  
 Heraclitus III, 56.  
 Hercules II, 33, 34, 35, 36.  
 Herculis arma IV, 19.

Horatianæ familiæ fata XXII, 1.  
 Horæ repræsentatio II, 28.  
 Hygeia II, 40, 41.

## I.

**I**anus I, 18.  
 Ibis V, 8.  
 Imago æternitatis I, 2.  
 Imperii Rom. maiestas XX, 1, 2.  
 Insignia Pontificum & sacerdotum Rom. IV, 16, 17.  
 Insignia Pontif. & Auguratus IV, 18.

locans puer III, 72.  
 Iole II, 37.  
 Iphigeniæ sacrificium XV.  
 Ithyphallicum sacrificium VI, 8.  
 Iulii Cæsaris mors violenta XXV.

Iuno I, 5.

Iupiter I, 4.

## L.

**L**aocon III, 58.  
 Leo Mithriacus VIII, 2.  
 Liberta III, 75.  
 Lucifera Diana I, 21.  
 Luna cum stellis VI, 1.

## M.

**M**agici Characteres VIII, 5, 6.  
 Mars I, 10, 11.  
 Mars victor III, 62.  
 Meleager VI, 11.  
 Mercurius I, 8.  
 Meffor III, 73.  
 Miles III, 67.  
 Miles signifer III, 68, 69.  
 Miles cum præmio III, 70.  
 Minerva I, 7.

Mon-

# INDEX RERVM.

Monstrum Aegyptium IV, 8.  
Mutius Scæuola III, 63. XXII, 2.  
Myiæ vrbis signum IV, 24.

N.

**N**Ampheros III, 71.  
Neptunus II, 29.  
Nomen salutiferum VIII, 4.  
Numen serpentinum IV, II, V, 2.

O.

**O**Mphale II, 37.  
Ornithocephalus Abra-  
xas IV, 4.

P.

**P**Allas I, 7.  
Palma IV, 25.  
Pan I, 24.  
Paridis iudicium XVII.  
Pastor III, 74.  
Pentagonum VI, 3.  
Philosophus III, 54.  
Pietatis symbolum II, 45.  
Pompeii Magni caput III, 59.  
XXIV.

Pontificum Roman. insignia  
IV, 16, 17.  
Pontificatus insignia IV, 18.  
Priapi sacrificium VI, 7, 8.  
Prouidentia Deorum I, 3.  
Prouidentia symbolum IV, 1.  
Proserpinæ raptus XI.  
Psyche II, 32.  
Pudicitia II, 46.  
Puer iocans III, 72.

R.

**R**Aptus Proserpinæ XI.  
Sabinarum virgi-  
num XXI.

Rhenus fluuius V, II.  
Rhœci fabula IX, 2.  
Romæ typus III, 62. IV, 23.  
Romani Imperii maiestas XX.  
Rudarius gladiator III, 66.

S.

**S**Abinarum virginum ra-  
ptus XXI.  
Sacerdotum Rom. insignia  
IV, 16, 17. V, 1.  
Sacerdos Bacchi III, 53.  
Sacrificans II, 49.  
Sacrificium Bacchi VI, 5. VII, 1.  
Dianæ XVI.  
Iphigeniæ XV.  
Priapi VI, 7, 8.  
salutis II, 50.

Salutiferum Nomen VIII, 4.  
Salutis sacrificium II, 50.  
Saturnus I, 17.  
Scæuola (Mutius) III, 63. XXII, 2.  
Scipionis Africani factum.  
XXIII.

Senex ingenuus V, 12.  
Sergii Galbæ interitus XXIX.  
Serpens IV, 9, 10. V, 2, 3.  
Serpentinum Numen IV, 11.  
V, 2.  
Signum magicum VIII, 6.  
Silenus II, 26.  
Sistrum IV, 15.  
Spes II, 47.  
Sphinx V, 15.

T.

**T**Elephorus II, 39.  
Tempus I, 17.  
Thalia Musa VI, 10.



# INDEX RERVM.

|                                   |                                   |
|-----------------------------------|-----------------------------------|
| Tiberianus Achates xxviii.        | Victor Hercules II, 33.           |
| Titi Vespasiani triumphus<br>xxx. | Virginum Sabinarum raptus<br>xxi. |
| Tripus Apollinis IV, 13.          | Votum valetudinis causa vi, 2.    |
| Triumphalis Aquila IV, 22.        | Vrbis Romæ typus IV, 23.          |
| Typus Romæ vrbis III, 62.         | Cyzici Mysiæ signum<br>IV, 24.    |
| IV, 23.                           | Vulcanus I, 19. XVIII.            |
| V.                                | Z.                                |
| VEnatrix Diana I, 22.             | Z Aleuci historia XIX.            |
| Venus victrix I, 14.              | Zephyrus II, 27.                  |
| Victoria I, 13.                   |                                   |

## EMENDANDA ET ADDENDA QVAEDAM.

Pag. 2. lin. 10. leg. nigro.

Pag. 8. lin. 27. add. Dissentit equidem *Anton. Augustinus* antiqu. Rom. Dial. II. p. 18. & per istam *trifolii figuram* mauult designari *primum germen*, quod iacto grani semine existit, cuius adhuc *spes in gramine esse* veteri verbo dicitur. Ast in contrarium *Bened. Balduinus* de calceis antiqu. p. m. 286. vbique *Lilium* pro spei symbolo positum censet : quamvis commentator ipsius Io. Fred. Nilant bene moneat, dari vtique nummos veteres, quorum alii referant *lilium*, alii *figuram trifolii* ; nec quicquam causæ esse, cur non eadem res vtroque modo satis commode adumbrari possit.

Pag. II. lin. 19. leg. L. QVINTIVS CINCINNATVS.

Caterum, quoniam pag. 44. *Achatidis Tiberiani* explicationem, propter chartæ angustiam haud licuit apponere, illam e citato libro *Dn. le Roy* strictim hic subiungere placet. In supremo loco AVGVSTVS *capite velato cum corona radiata & sceptro* eminet : Huius sinistro lateri se applicat C. IVLIVS CAESAR, laureatus, *clypeum* attollens. A dextris equo alato infidens aduolat DRVSVS GERMANICVS, ducente frenis equum *Cupidine*. ROMA autem DEA *Augusto* accumbens *orbem* pedibus equi submittit. In medio TIBERIVS residet laureatus, *Aegide* indutus, cum *sceptro & lituo*. Ipsi assidet in eodem folio mater LIVIA, pariter laureata, tunicata, *papauer* læua manu tenens. Retro post *Liuiam* adstat DRVSVS IUNIOR, *Tiberii Aug.* filius, *tropaena* ferens, alteramque manum versus *Augustum* extendens. Assidet *Druso* LIVILLA vxor eius. Læuum *Tiberii* latus occupat ANTONIA, *Aug. Drusi* coniux, CAESARIS GERMANICI mater, quem ipsa armatum & per caput suum iurantem amplectitur. Pone *Germanicum* sedet vxor eius AGRIPPINA, volumen manu tenens, adstante puero CALIGULA. Ante sellam Augg. procumbit CAPTIVVS aliquis, *Armeniam* fortasse deuictam significans ; & in segmento Gemmæ infimo TVRBA CAPTIVORVM, eiusdem sine dubio gentis apparet.

F I N I S.



Le 1500.  
compte de 30 d'années  
Le 22. vol  
compte de 17 d'années

Heide von BAIERUS

Call. Cing. R. *Myrmica formicaria*. Heide

SPECIAL 86-B  
OVERSIZE 15216

Bound w/ 87-B  
17062



